



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁL

## *Sumáriu Kazu*

# **Sumáriu julgamentu kazu iha Tribunál Distritál Baucau Periodu Feveiru 2013**

### Introdusaun

Iha Feveiru 2013, JSMP kontinua ho atividade monitorizasaun iha Tribunál Distritál Baucau (TDB). Iha Janeiru 2013, JSMP la consegue produz sumáriu kazu husi TDB tanba aleinde tribunál sira hahu servisu iha fulan klaran, staff JSMP ne'ebé responsabliza iha TDB nian hala'o atividade seluk iha Díli.

Durante fulan Feveiru 2013, JSMP rejista kazu hamutuk 18. Kazu hirak ne'e kompostu husi krime violénsia doméstika 5, kazu abuzu seksuál ba menór 3, violasaun seksuál 1, krime inestu 1, krime ofensa ba integridade física simples 3, krime danu simples 1, krime hasoru flora no fauna 2, no krime burla agravadu 1. Alen ida ne'e, iha mos kazu disputa rai 1.

Kazu hirak ne'e maiória hetan ona konkluzau finál ho kondensau pena suspensau. Ne'e inklui kazu violénsia doméstika 5 no violasaun seksuál 1, kazu 2 omologa, restu sei kontinua prosesu tanbá parte sira la marka prezensa iha tribunál no tanba razaun prosesuál sira seluk.

Tuir mai deskripsau sumáriu julgamentu kompletu:

### **1. Kazu krime violénsia doméstika Nú. 100/Crm.S/2012/TDB**

Tribunál Distritál Baucau

Kompozisaun tribunál: Singulár

Juis : Dr. António Fonseca Monteiro

Minsitériu Públiku : Dr. Adérito Tilman

Defeza : Dr. Gil Amaral (Advogadu Estajiadu)

Konkluzau : Kondena ho pena suspensau

Tribunál julga kazu ne'e iha 06 Feveiru 2013 ho agenda produsaun provaz. Maibe depoisde prosesu, tribunál konklui kedas ho lee leitura sentensa ba kazu ne'e. Kazu ne'e rejista iha tribunál ho Númeru Prosesu:100/Crm.S/2012/TDB. Arguidu ba kazu ne'e involve arguidu JDS kontra lezada AMFC, ne'ebé akontese iha loron 28 Novembru 2011, iha Suco Ma'abat, Sub-Distriu Manatuto, Distritu Manatuto.

Ministériu Públiku akuza arguidu komete krime ofensa ba integridade fízika simples ne'ebé preve iha artigu 145 Kódigu Penál konjuga ho artigu 2 no 3 Lei Kontra Violénsia Doméstika.

Ministériu Públiku akuza katak iha lora 28 Novembru 2011 arguidu rasta lezada tama ba uma laran no tuku iha lezada nia matan fukun parte karuk. Aktu ne'e rezulta lezada hetan bubu no kanek iha nia matan fukun. Iha akuzasaun ne'e haktuir katak kazu ne'e akontese tanba lezada husu tuir arguidu ne'ebé sai husi uma no ba toba iha arguidu nia alin nia uma sein iha koñesimentu husi lezada.

Arguidu rekoñese katak faktus sira ne'ebé Ministériu Públiku akuza ba nia ne'e loos hotu. Maibe arguidu hatan katak nia halo agresaun refere tanba lezada tolok arguidu nia inan – aman. Maske nune'e arguidu deklarata katak nia arepende nia hahalok ne'e.

Iha deklarasaun lezada ninian, konfirma katak arguidu halo agresaun refere hasoru nia tanba nia tolok arguidu nia inan-aman.

Depoide rona tiha deklarasaun arguidu no lezada, tribunál kontinua ba alegasaun oral. Iha alegasaun oral ne'e, Ministériu Públiku, husu ba tribunál atu kondena arguidu tuir hahalok ne'ebé arguidu komete.

Iha parte seluk defeza husu ba tribunál atu fo justisa ba nia kliente tanba arguidu konfesa, hatudu arependimentu no agresaun arguidu nian ne'e mosu tanba provokasaun husi lezada.

Bazeia ba faktus sira ne'e, tribunál konklui hodi kondena arguidu ho pena prizaun fulan 4 no suspende ba fulan 6 iha liur.

## **2. Kazu krime inestu Nú. 148/Crm.C/2012/TDB**

Tribunál Distritál Baucau

Kompozisaun tribunál: Kolektivu

Juis :Dr. António Fonseca Monteiro Dra. Ângela Faria Belo no Dr. José Gonçalves

Minsitériu Públiku : Dr. Baltazar Ramos

Defeza : Dr. Sergio Paulo Dias Quintas no Dr. Gil Amaral (Advogadu Estajiadu).

Konkluzau : Kondena ho pena prizaun

Tribunál julga kazu ne'e iha lora 6 Feveiru 2013. Kazu ne'e involve violasaun seksuál agravasaun ho natureza inestu ne'ebé komete husi arguidu SL hasoru nia oan rasik (RL). Kazu refere rejista iha tribunál ho Númeru Prosesu: 148/Crm.C/2012/TDB.

Kazu ne'e akontese mais ou menuz iha Outobru 2007 no Marsu 2008 iha Sub-distritu Lospalos, Distritu Lautem.

Ministériu Públiku akuza arguidu komete krime violasaun seksuál ho agravasaun ne'ebé preve iha artigu 285 Kódigu Penál Indonezia no artigu 173 Kódigu Penál Timor Leste.

Audiénsia julgamentu taka ba Públiku, maibé bazeia ba informasaun ne'ebé JSMP hetan liuhosi ofisial ustisa haktuir katak arguidu halo aktu seksuál hamutuk dala haat maibe iha loron ne'ebé diferente. Depoisde julgamentu tribunál marka loron 21 Feveireiru 2013 ba leitura akordaun.

Tuir mai iha loron 21 Feveireiru 2013, Tribunál kontinua hala'o audiénsia julgamentu ho ajenda leitura akordaun ba kazu ne'e.

Bazeia prosesu produsaun provas iha loron 06 Feveireiru 2013, tribunál konvensidu katak arguidu provadu komete aktu seksuál hasoru lezada hamutuk dala tolu, iha loron diferente iha fulan Outobru 2007 no fulan Marsu 2008 nia laran. Prova mós katak arguidu ameasa lezada ho katana atu la bele fó hatene ba ema seluk no hakilar.

Ho faktu provadu hirak ne'e, tribunál konklui hodi kondena arguidu ba pena prizaun tinan 9 fulan 6.

### **3. Kazu krime violénsia doméstika Nú. 104/Crm.S/2012/TDB**

Tribunál Distritál Baucau

Kompozisaun tribunál: Singular

Juis : Dr. António Fonseca Monteiro

Minsitériu Públiku : Dr. Adérito Tilman

Defeza : Dra. Alixandrina de Sousa Soares (Advogada Estajiaría)

Konkluzau : kondena ho pena suspensaun

Tribunál julga kazu ne'e iha 07 Feveireiru 2013 ho agenda produsaun provas. Mesmu nune'e iha tempu hanesan tribunál kontinua ho lee leitura sentensa ba kazu ne'e. Kazu ne'e rejista ho Nú. Prosesu:104/Crm.S/2012/TDB no involve husi arguidu Arnaldo da Costa Soares hasoru lezada Cipriana de Carvalho ne'ebé akontese iha 18 Setembru 2011 iha Suco Uma Naruk, Sub-Distritu Laclo, Distritu Mantuto.

Ministériu Públiku akuza arguidu komete krime ofensa ba integridade física simples ne'ebé prevee iha artigu 145 Kódigu Penál konjuga ho artigu 35 Lei Kontra Violénsia Doméstika.

Ministériu Públiku haktuir katak iha 18 Stembru 2011, arguidu diskute malu ho lezada no sein justifikasaun arguidu basa iha lezada nia kotuk laran no tuku iha lezada nia tilun sorin karuk. Arguidu nia hahalok ne'e kauza lezada sofre bubu no moras iha parte kotuk laran no tilun-hun.

Iha audiénsia arguidu konfesa mós katak akuzasaun ne'e loos hotu no arguidu hatudu nia arependimentu ba nia hahalok. Tanba ne'e, tribunál decide atu la rona tan deklarasaun husi lezada no testemuña ba kazu refere no kontinua kedas ba iha alegasaun orál.

Iha alegasaun finál, depois rona tiha arguidu nia konfisaun no hatudu nia arependimentu, Ministériu Públiku husu ba tribunál atu kondena arguidu ho pena prizaun fulan ida no susupende ba fulan 6.

Iha defeza nia alegasaun, husu ba tribunál atu fó justisa ba nia kliente tanba arguidu konfesa, arepende, dame malu ona lezada no responsabiliza ba nia família.

Bezeia ba pozisaun hirak ne'e, hodi kondena arguidu ho pena prizaun fulan 3 no susupende ba fulan 6.

#### **4. Kazu krime abuzu seksuál ba menór Nú. 224/Crm.C/2009/TDB**

Tribunál Distritál Baucau

Kompozisaun tribunál: Singulár

Juis : Dra. Ângela Faria Belo

Minsitériu Públiku : Dr. Adérito Tilman

Defeza : Dra. Alixandrina de Sousa Soares (Advogada Estajiaria)

Konkluzau : Adiadu

Iha 07 Feveireiru 2013 Tribunál Distritál Baucau la konsege realiza julgamentu ba kazu krime abuzu seksuál ba menór tanba arguidu la mark prezensa. Kazu ne'e rejista ho Númeru Prosesu 224/Crm.C/2009/TDB. Arguidu ba kazu ne'e ho inisiál NCP kontra lezada AG. Insidente ne'e akontese iha 15 Feveireiru 2002, iha Viqueque Vila.

Prosesu ne'e prezide husi Dra. Ângela Faria Belo, Ministériu Públiku representa husi Dr. Baltazar Ramos no defeza Dr. Sérgio Paulo Dias Quintas husi Defensoria Públiku.

Tuir informasaun ne'ebé JSMP hetan husi tribunál ba kazu ne'e katak audiénsia julgamentu adia ba iha 21 Juñu 2013 iha oras tuku 10:00 dader.

#### **5. Kazu disputa rai Nú. 12/Civ.PI/2012/TDB**

Tribunál Distritál Baucau

Kompozisaun tribunál: Singulár

Juis : Dr. Afonso Carmona

Defeza ba Autor : Dr. Lino Lopes no Dr. Marçal Guterres

Defeza ba Reu : Dr. Sérgio Paulo Dias Quintas

Konkluzau : Kontinua prosesu

Kazu ne'e, julga iha 06 Feveireiru 2013, ho agenda tentativa konsiliaun. Disputa ne'e rejista iha tribunál ho Númeru Prosesu: 12/Civ.PI/2012/TDB.

Kazu ne'e involve partes sira hanesan Manuel dos Santos Cabral nu'udar Autor hasoru Marçal Lequidara nu'udar Reu. Disputa ne'e akontese tinan 2011 iha Baucau.

Prosesu tentativa konsiliaun ne'e la hetan rezultadu. Reu deklara katak nia tenta dala barak ona atu konsilia maibe autór rejita, nune'e reu husu ba tribunál atu kontinua ho julgamentu.

Bazeia ba pedidu reu nian tribunál sei halo despaxu saneador depois marka fali loron ruma hodi kontinua ba julgamentu.

## **6. Kazu krime violénsia doméstika Nú. 05/Crm.S/2012/TDB**

Tribunál Distritál Baucau

Kompozisaun tribunál: Singulár

Juis : Dr. Afonso Carmona

Minsitériu Públiku : Dr. Baltazar Ramos

Defeza : Dra. Rui M. Guterres (Defensoria Públiku)

Konkluzau : Kondenasaun ho pena suspensaun

Tribunál julga kazu ne'e iha 12 Feveireiru 2013. Kazu ne'e rejista ho Númeru Prosesu: 05/Crm.S/2012/TDB no involve arguidu ho inisiál AF hasoru lezada EF, ne'ebé akontese iha 27 Maiu 2011, iha aldeia Uaimanube, Suco Uailili Sub-Distritu Baucau, Distritu Baucau.

Ministériu Públiku akuza katak arguidu kontra artigu 145 Kódigu Penál konaba ofensa ba integridade fízika simples konjuga ho artigu 35 Lei Kontra Violénsia Doméstika.

Ministériu Públiku haktuir katak iha loron 27 Maiu 2011 arguidu tebe iha lezada nia ibun no kotuk laran no basa dala barak iha lezada nia hasan. Aktu ne'e kauza lezada sofre bubu no kanek iha ibun, kotuk laran no nia hasan karuk bubu. Kazu ne'e akontese, tanba lezada la ko'alia ho nia banin mane.

Iha deklarasaun arguidu nian, nia rekoñese katak akuzasaun ne'ebé Ministériu Públiku akuza ba nia ne'e los hotu maibe arepende ona nia hahalok ne'e.

Depois rona tiha deklarasaun no konfisaun arguidu nian, tribunál kontinua ba alegasaun oral. Iha alegasaun finál, Ministériu Públiku, husu batribunál atu kondena arguidu ho pena suspensaun.

Iha defeza nia alegasaun, defeza husu ba tribunál atu fo kastigu ne'ebé kma'an ba nia kliente tanbá arguidu konfesa, arepende no responsabiliza ba familia.

Depoisde alegasaun oral, tribunál marka loron 26 Feveireiru 2013 atu rona leitura sentensa.

Depois avalia tiha prosesu sira hotu, tribunál konvensidu katak arguidu provadu komete krime ne'ebé akuza kontra nia.

Mesmu nune'e, tanba arguidu konfesa, manifesta nia arependementu no la iha antesendente kriminal, tribunál konklui hodi kondena arguidu ho pena prizaun fulan 6 maibe suspende ba tinan 1.

## **7. Kazu krime violénsia doméstika Nú. 167/Crm.S/2012/TDB**

Tribunál Distritál Baucau

Kompozisaun tribunál: Singulár

Juis : Dr. Afonso Carmona

Minsitériu Públiku : Dr. Baltazar Ramos

Defeza : Dra. Muzaira Amaral (Advogada Estajiária)

Konkluzau : Kondena ho pena suspensaun

Julgamentu ba kazu ne'e hala'o iha 12 Feveireiru 2013 ho agenda lee leitura sentansa. Kazu ne'e involve arguidu Mariano do Santos hasoru nia kónjuje Julieta Ximenes. Kazu ne'e rejista ho Númeru Prosesu:167/Crm.S/2012/TDB no akontese iha 25 Marsu 2011, iha Quelecai, Baucau.

Ministériu Públiku akuza arguidu kontra artigu 145 Kódigu Penál konaba ofensa ba integridade fizika simples konjugadu ho artigu 35 Lei Kontra Violénsia Doméstika.

Ministeriu Públiku haktuir katak arguidu komete krime ofensa ho maneria lori ai-padasuk baku lezada nian rentos no rezulta lezada nia rentos hetan kanek.

Haree ba faktus provadus sira, tribunál konklui hodi kondena arguidu ho pena prizaun fulan 1 no suspende ba fulan 6. Tribunál mos kondena arguidu atu selu kustus judisiál ho valor \$. 20.00.

## **8. Kazu krime violasaun seksuál Nú. 156/Crm.C/2008/TDB**

Tribunál Distritál Baucau

Kompozisaun tribunál: Singulár

Juis : Dr. António Fonseca Monteiro

Minsitériu Públiku : Dr. Baltazar Ramos

Defeza : Dr. Gil Amaral (Advogadu Estajiadu)

Konkluzau : Kondena ho pena suspensaun

Julgamentu ba kazu ne'e hala'o iha 14 Feveireiru 2013 ho agenda lee leitura akordaun. Kazu ne'e involve arguidu Albino Belo no Antonino Soares hasoru lezada EL. Kazu ne'e rejistu iha tribunál ho Nú.Prosesu: 156/Crm.C/2008/TDB. Violasaun seksuál ne'e alega akontese iha 20 Novembru 2006 iha Lacluta, Distritu Viqueque.

Ministériu Públiku akuza arguidu sira kontra artigu 285 Kódigu Penál Indonezia konaba violasaun seksuál no o artigu 173 Kódigu Penál Timor Leste.

Bazeia ba provas ne'ebé tribunál produz durante julgamentu, hatudu katak arguidu sira provadu komete krime violasaun seksuál troka malu hasoru lezada iha 20 Novembru 2006 kalan. Aleinde n'e deskobre katak lezada sofre moras mentál. Tribunál mos prova katak arguidu na'in rua ho lezada rezolve ona kazu ne'e liu husi dalan família no indemniza ona lezada ho osan hamutuk \$. 500.00, karau ida nomós kuda ida.

Hare ba provas no sirkunstânsia hotu-hotu ne'ebé asoiadu ho krime ne'e konsidera opsaun ba artigu diferente 2 (husi Kódigu Penál Indonesia no Timor Leste) ne'ebé akuza ba arguidu sira no artigu sira ne'e nia vantajemba arguidu sira, ikus mai tribunál konklui hodi kondena arguidu sira ba pena prizaun tinan 3 no suspende ba tinan 5.

#### **9. Kazu krime ofensa ba integridade fizika simples Nú. 121/Crm.S/2012/TDB**

Tribunál Distritál Baucau

Kompozisaun tribunál: Singulár

Juis : Dr. António Fonseca Monteiro

Minsitériu Públiku : Dr. Baltazar Ramos

Defeza : Dr. Gil Amaral (Advogadu Estajiadu).

Konkluzau : Omóloga konsiliaun no absolve arguidu

Julgamentu ba kazu ne'e hala'o iha loron 14 Feveiru 2013 ho agenda tentativa konsiliaun. Kazu ne'e rejista iha tribunál ho Númeru Prosesu: 121/Crm.S/2012/TDB no involve arguidu Cosme Faria hasoru lezada nain rua: Juaquina Aurea no Alcina Correia, ne'ebé alega akontese iha loron 03 Abril 2011, iha Vemase, Distritu Baucau.

Julgamentu tentativa konsiliaun ne'e parte sira konkorda hodi konsilia no hakotu sira nia kazu liuhusi konsiliaun. Bazeia ba prosesu ne'e, tribunál omóloga tiha prosesu ne'e no absolve arguidu husi krime ne'e.

#### **10. Kazu krime abuzu seksuál ba menór Nú. 113/Crm.C/2012/TDB**

Tribunál Distritál Baucau

Kompozisaun tribunál: Kolektivu

Juis : Dr. José Gonçalves, Dr. Afonso Carmona no Dra. Ângela F. Belo

Minsitériu Públiku : Dr. Baltazar Ramos

Defeza : Dr. Rui M. Guterres (Defensoria Públiku)

Konkluzau : Sei kontinua prosesu

Julgamentu ba kazu ne'e hala'o iha loron 14 Feveiru 2013 ho agenda rona deklarasaun arguidu no depoimentu husi lezada no testamuña sira. Kazu ne'e involve arguidu ho inisiál RS hasoru lezada ho inisiál FMR, ne'ebé akontese iha loron 10 Agustu 2010, iha Lautem, Distritu Lautem.

Ministériu Públiku akuza arguidu nu'udar autór materiál kontra artigu 177 Kódigu Penál konaba abuzu seksuál ba menór. Audiénsia julgamentu ba kazu ne'e taka ba públiku. Mesmu nune'e tuir informasaun ne'ebé JSMP hetan husi tribunál katak, iha julgamentu refere tribunál rona deklarasaun husi arguidu, lezada no depoimentu testamuña.

Depoizde rona deklarasaun no depoimentu husi parte sira tribunál deside hodi marka loron 05 Marsu 2013 ba leitura akordaun.

#### **11. Kazu krime hasoru flora no fauna Nú. 109/Crm.S/2012/TDB**

Tribunál Distritál Baucau

Kompozisaun tribunál: Singular

Juis : Dr. José Gonçalves

Minsitériu Públiku : Dr. Adérito Tilman

Defeza : Dr. Gregório de Lima.

Konkluzau : Adiadu

Iha 19 Feveireiru 2013 Tribunál Distritál Baucau adia julgamentu ba kazu krime hasoru flora no fauna ne'ebé rejista iha tribunál ho Númeru Prosesu: 109/Crm.S/2012/TDB. Kazu ne'e involve arguidu nain rua ho inisial EF no RAR hasoru estadu. Krime ne'e alega akontese iha loron 07 Jullu 2011 iha Osoluca, Suco Samalari, Sub-Distritu Baucau, Distritu Baucau.

Audiénsia julgamentu adia tanbá arguidu ida no testamuña na'in tolu ne'ebé notifikadu la marka prezensa iha tribunál.

Tanba impedimentu ne'e, juis titulár ba kazu ne'e adia julgamentu ba iha 09 Abril 2013, iha tuku 14:00.

## **12. Kazu krime abuzu seksuál ba menór Nú. 76/Crm.C/2012/TDB**

Tribunál Distritál Baucau

Kompozisaun tribunál: Singulár

Juis : Dr. José Gonçalves, Dr. Afonso Carmona no Dra. Ângela F. Belo

Minsitériu Públiku : Dr. Adérito Tilman

Defeza : Dr. Gregório de Lima (Defensoria Públiku no Dr. Gil Amaral (Advogadu Estajiadu)

Konkluzau : Sei kontinua prosesu

Julgamentu hala'o iha loron hanesan (19 Feveireiru 2013), ho agenda halo alegasaun finál ba kazu krime abuzu seksuál ba menor ne'ebé rejista ho Númeru Prosesu: 76/Crm.C/2012/TDB.

Arguidu ba kazu ne'e ho inisiál DS kontra lezada ho inisiál EMJ, ne'ebé alega akontese iha loron 07 Marsu 2011, iha Luro, Distritu Lautem.

Iha alegasaun finál Ministériu Públiku nian, husu ba tribunál atu kondena arguidu tinan 6 prizaun. Alegasaun bazeia ba rezultadu prosesu ne'ebé hatudu katak arguidu konfesa faktus sira ba kazu ne'e, arguidu hatudu nia arependimentu, la iha antesedente kriminal no arguidu ho lezada rezolve ona kazu ne'e liuhusi familia no kultura, inklui arguidu fó ona tais 5 ba lezada.

Iha defeza nia alegasaun, husu ba tribunál atu konsidera no fo kastigu ne'ebé kaman ba nia kliente tanbá arguidu konfesa, arepende, arguidu ho lezada rezolve ona kazu ne'e liu husi kultura.

Depoide alegasaun orál, tribunál suspende audiénsi no marka audiénsia seluk ba fali loron 12 Marsu 2013 iha tuku 11:00 dadersan hodi rona leitura akordaun.



### **13. Kazu krime danu simples Nú. 01/Crm.Sum/2013/TDB**

Tribunál Distritál Baucau

Kompozisaun tribunál: Singulár

Juis : Dr. Afonso Carmona

Minsitériu Públiku : Dr. Adérito Tilman

Defeza : Dr. Gregório de Lima no Dr. Paulino da Costa Alves

Konkluzau : absolvidu

Julgamentu hala'o iha 20 Feveireiru 2013, ho agenda produsaun provas ba ba kazu danu simples. Kazu ne'e rejista ho Númeru Prosesu: 01/Crm.Sum/2013/TDB no involve arguidu Zacarias da Costa hasoru lezadu ho Marito Reis. Kazu ne'e akontese iha loron 01 Feveireiru 2013, iha loja Start Motor, kota Lama Baucau.

Iha depoimentus testamuña sira ho inisiál NBX no AON (membru polisia operasaun Distritu Baucau) ba tribunál katak, sira la haree arguidu involve iha kazu baku rahun kareta *anguna* iha loja Start Motor, maibé bainhira testemuña ho nia kolega polísia sira to'o ba fatin akontesimentu sira haree arguidu ho nia kolega nain 5 (deskoñesidu) ho motor halai hodi halo barrullu, nune'é testemuña sira duni tuir no kaptura arguidu.

Hafoin rona tiha testemuña na'in nia depoimentu, tribunál suspende audiénsia julgamentu ba fali loron 21 Feveireiru 2013 hodi rona testemuña seluk ho inisiál N.

Julgamentu ne'e konklui iha 26 Feveireiru ho rezultadu alsovesaun ba arguidu, tanba tribunál la hetan prova ruma ne'ebé konvense tribunál katak arguidu komete krime danu simples ne'eb'e Ministeriu Públiku akuza hasoru nia.

### **14. Kazu krime ofensa ba integridade fízika simples Nú. 177/Crm.S/2012/TDB**

Tribunál Distritál Baucau

Kompozisaun tribunál: Singulár

Juis : Dr. Afonso Carmona

Minsitériu Públiku : Dr. Baltazar Ramos

Defeza : Dr. Gregório de Lima

Konkluzau : Adiadu

Iha loron 20 Feveireiru 2013 Tribunál Distritál Baucau adia julgamentu ba kazu ne'e. Kazu ne'e rejista iha tribunál ho Númeru Prosesu :177/Crm.S/2012/TDB. Arguidu ba kazu ne'e ho inisiál ABR hasoru lezada ho inisial CVF ne'ebé akontese iha loron 21 Janeiru 2012 iha Gariuai, Sub-Distritu Baucau, Distritu Baucau.

Julgamentu adia tanba lezada no testamuña sira la kumpri notifikasaun tribunál. Tanba ne'e tribunál marka fali orariu foun ba iha 13 Marsu 2013, iha tuku 10:00 dader.

### **15. Kazu krime violénsia doméstika Nú. 92/Crm.S/2012/TDB**

Tribunál Distritál Baucau  
Kompozisaun tribunál: Singulár  
Juis : Dr. Afonso Carmona  
Minsitériu Públiku : Dr. Adérito Tilman  
Defeza : Dr. Sergio Paulo Dias Quintas  
Konkluzau : Sei kontinua prosesu

Julgamentu ba kazu ne'e hala'o iha 26 Feveireiru 2013, ho agenda rona deklarasaun arguidu nian ba kazu krime violénsia doméstika. Arguidu ba kazu ne'e ho AR hasoru nia fen AP. Kazu ne'e rejista iha tribunál ho Númeru Prosesu 92/Crm.S/2012/TDB. Aktu ne'e alega akontese iha 15 Marsu 2012, iha Kota Baru Baucau.

Ministériu Públiku akuza arguidu nu'udar autór materiál ba krime ofensa ba integridade fízika simples no kontra artigu 145 Kódigu Penál konjuga ho artigu 35 Lei Kontra Violénsia Doméstika.

Iha akuzasaun ne'e haktuir katak, iha 15 Marsu 2012, arguidu no lezada diskute malu kona-ba oinsá atu aluga kareta. Maibe laho razaun ne'ebé klaru arguidu hodi kadera dudu ba lezada too monu ba rai/*lantai*. Aktu ne'e rezulta lezada nia liman no kanotak sorin karuk bubu no kanek.

Iha deklarasaun arguidu nia ba tribunál, arguidu konfesa katak faktu ne'ebé Ministériu Públiku akuza ba nia loos hotu. Mesmu nune'e, nia mos haktuir katak nia arrepende ba hahalok no sei la halo tan iha futuru.

Depoisde rona deklarsaun arguidu, tribunál husu atu kontinua ba alegasaun orál. Iha alegasaun finál, Ministériu Públiku husu ba tribunál atu kondena arguidu ho pena prizaun fulan 6 no suspende ba tinan 1.

Tuir mai iha alegasaun defeza ninian husu ba tribunál atu konsidera no fó justisa ba nia kliente bazeia ba hahalok ne'ebé arguidu komete tanbá arguidu konfesa ona faktu sira, hatudu nia arrependementu no la iha antesendente kriminal.

Rona tiha alegasaun orál, tribunál suspende audiénsia no marka leitura sentensa ba iha loron 12 Marsu 2013 iha tuku 10:00 dader.

## **16. Kazu krime kontra flora fauna Nú. 65/Crm.S/2012/TDB**

Tribunál Distritál Baucau  
Kompozisaun tribunál: Singulár  
Juis : Dr. José Gonçalves  
Minsitériu Públiku : Dr. Adérito Tilman

Defeza : Dr. Gil Amaral ho Dra. Muzari'a Amaral (Advogadu Estajiadu no Advogada Estajiária)  
Konkluzau : Adiadu

Iha 26 Fevereiru 2013 Tribunál Distritál Baucau adia audiénsia julgamentu ba kazu krime kontra flora fauna tanbá arguidu sira la marka sira nia prezensa iha tribunál. Kazu ne'e involve arguidu na'in rua ho inisiál AS no ECX hasoru Estadu. Kazu ne'e akontese iha Sub-Distritu Venilale, Distritu Baucau.

Depoizde konfirma tiha arguidu sira la marka prezensa, tribunál marka fali orariu julgamentu foun ba iha 16 Abril 2013.

### **17. Kazu krime ofensa ba integridade física simples Nú. 91/Crm.S/2012/TDB**

Tribunál Distritál Baucau  
Kompozisaun tribunál: Singulár  
Juis : Dr. José Gonçalves  
Minsitériu Públiku : Dr. Baltazar Ramos  
Defeza : Dra. Muzari'a Amaral (Advogada Estajiária)  
Konkluzau : Kondena ho pena suspensaun

Jugalmentu ba kazu ne'e hala'o iha 26 Fevereiru Tribunál, ho agenda lee leitura sentensa ba kazu krime ofensa ba integridade física simples. Kazu ne'e rejista iha tribunál ho Númeru Prosesu :91/Crm.S/2012/TDB no involve arguidu Verónica Piedade de Sousa no Igildo Freitas hasoru lezada Bemvinda da Costa. Kazu ne'e aleag akontese iha 01 Outobru 2011 iha Eskola Pre-Sekundária Venilale Sub-Distritu Venilale, Distritu Baucau.

Iha audiénsia julgamentu ne'e tribunál deskobre katak arguidu sira provadu komete duni krime ofensa ba integridade física simpes ne'ebé preve iha artigu 145 Kódigu Penál hasoru lezada. Aktu realiza ho maneira hanesan; arguida Verónica rasta lezada nia fuuk no baku ba parede no arguidu Igildo tebe lezada nia kotuk laran. Arguidu sira nia hahalok ne'e kauza lezada sofre bubu ihaulun no kotuk laran.

Bazeia ba faktus provadus sira ne'ebé tribunál produs no haree ba sirkustânsia hotu-hotu ne'ebé hale'u krime ne'e, tribunál konklui hodi kondena arguida Verónica Piedade de Sousa ba pena prizaun fulan 2 no suspende ba tinan 1 no kondena arguidu Igildo Freitas ho pena prizaun fulan 3 no suspende mos ba tinan 1.

### **18. Kazu krime burla agravadu Nú. 184/Crm.C/2012/TDB**

Tribunál Distritál Baucau  
Kompozisaun tribunál: Singulár

Juis : Dr. António Fonseca Monteiro  
Minsitériu Públiku : Dr. Baltazar Ramos  
Defeza : Dr. Lino Lopes no Dr. Marçal Guterres husi Educação Comunidade de  
Matebian Baucau (ECM-Baucau)  
Konkluzau : Adiadu

Iha loron 27 Feveireiru 2013 Tribunál Distritál Baucau adia julgamentu ba krime burla agravadu ne'ebé akontese iha fulan Abril 2007 iha NGO-APETIL, Baucau.

Julgamentu marka fali orariu foun ne'ebé sei hala'o iha 26 Juñu 2013, 03 Jullu no 10 Jullu 2013. Adiamentu ne'e akontese tanbá arguidu na'in rua ho inisiál AX no SGR seidak notifikadu. Situasaun ne'e akontese tanbá sira nia paradeiru até agora tribunál la hetan.

Kazu ne'e involve arguidu na'in 6 ho inisiál hanesan AX, SGR, JXF, JS, MJB no CS hasoru lezadu nain 7.

Atu hatene informasaun Kle'an favor kontaktu direktamente:

Luis de Oliveira Sampaio  
Diretór ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
Landline: 3323883  
[www.jsmp.tl](http://www.jsmp.tl)